



**ACORDO DE COLABORACIÓN ENTRE A CONSELLERÍA DO MAR DA XUNTA DE GALICIA E A
FUNDACIÓN PHILIPPE COUSTEAU "UNIÓN DE LOS OCÉANOS"**

MEMORIA XUSTIFICATIVA

Mercedes Rodríguez Moreda, directora xeral de Pesca, Acuicultura e Innovación Tecnolóxica da Consellería do Mar, **DECLARA:**

Que esta Dirección Xeral de Pesca, Acuicultura e Innovación Tecnolóxica formalizou coa Fundación Philippe Cousteau "Unión de los Océanos" o instrumento convencional arriba referido por un período de vixencia que abarcou dende a data da súa sinatura e até o 31 de decembro de 2016.

Que o instrumento convencional tivo por obxecto:

Establecer as bases de colaboración entre a Consellería do Mar e a Fundación Philippe Cousteau "Unión de los Océanos" para fomentar e potenciar a comercialización dos produtos pesqueiros de cara aos mercados interiores e exteriores, e tamén de acadar unha maior conciencia e sensibilidade sobre o mundo do mar, potenciando o seu afianzamento como marco creador de emprego e o seu desenvolvemento socioeconómico.

As accións específicas que se realizaron derivadas deste obxecto son as que seguen:

- a) Cooperación en programas de protección e promoción das actividades e das xentes do mar e do medio ambiente mariño.
- b) Desenvolvemento de actividades de divulgación no ámbito da protección e promoción dos produtos mariños, das actividades das xentes do mar e do medio ambiente mariño.
- c) Asesoramento mutuo en cuestións relacionadas coa actividade de ambas entidades.
- d) Organización i execución de actividades comúns relacionadas coa promoción dos produtos mariños, das actividades das xentes do mar e do medio ambiente mariño.
- e) Cooperación en programas e proxectos europeos e no ámbito da cooperación internacional.





f) Difusión, a través dos diarios e plataformas dixitais da Fundación e dos seus asociados, daqueles proxectos, iniciativas e actividades que a Xunta de Galicia estea a desenvolver en relación con ámbito mariño.

g) Cantas outras que sexan consideradas de interese mutuo, dentro das dispoñibilidades das partes e das actividades que constitúen o obxecto do presente protocolo de colaboración e os fins comúns de ambas partes.

Que existiu converxencia de intereses entre as entidades asinantes en orden á consecución do obxecto referido.

Que o instrumento convencional que se asinou se fundamenta no que segue:

A Consellería do Mar ten entre os seus obxectivos prioritarios a potenciación, difusión e promoción dos sectores e produtos pesqueiros galegos, co fin de intensificar o coñecemento dos mesmos e incrementar así a súa competitividade.

A Fundación Philippe Cousteau “Unión de los Océanos” nace o 18 de xuño de 1999 por iniciativa do seu fundador Agustín Menéndez Prendes-Santarúa, co apoio do comandante Jacques Cousteau, da familia de Philippe Cousteau e do grupo promotor que acompañou ao seu fundador durante máis de vinte anos nas súas iniciativas humanistas.

A Fundación Philippe Cousteau “Unión de los Océanos” ten entre os seus fins propiciar a solidariedade e o emprendemento, a conservación do medio ambiente e a biodiversidade mariña, o desenvolvemento sostible, a cooperación internacional, a loita contra a contaminación mariña, a formación integral marítima, o impulso da cultura do mar, así como o fomento da seguridade marítima integral e o salvamento marítimo, mediante a planificación e execución de programas e proxectos a nivel nacional e internacional, inspirado todo iso nunha cultura humanista.

Ambas institucións son conscientes da necesidade de fomentar e potenciar a comercialización dos produtos pesqueiros de cara aos mercados interiores e exteriores, e tamén de acadar unha maior



conciencia e sensibilidade sobre o mundo do mar, potenciando o seu afianzamento como marco creador de emprego e o seu desenvolvemento socioeconómico.

Este protocolo de colaboración non levou consigo ningunha contraprestación económica entre as dúas partes, e non dou lugar á formalización doutros instrumentos convencionais dos que derivaran obrigas económicas para a Consellería do Mar.

Por todo isto, considerouse que a Fundación Philippe Cousteau “Unión de los Océanos” era a entidade máis idónea e capacitada para levar a bo porto o obxecto deste protocolo de colaboración.

Que os intereses converxentes das partes asinantes excluían o ánimo de lucro, e non podían satisfacerse axeitadamente mediante a celebración dun contrato dos contemplados no Texto Refundido da Lei de contratos do sector público, aprobado por Real decreto legislativo 3/2011, de 14 de novembro, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2 da Lei 1/2016, de 18 de xaneiro, de transparencia e bo goberno, estimouse xustificado o recurso da sinatura do instrumento convencional que se pretendía, con exclusión doutras figuras.

E para que conste, asínase esta memoria, en Santiago de Compostela

